

DAN LEH KHAWTLANGA TLAWMNGAI PAWLTE

Ruatfela Nu

A khuh hawna: Hei hi ka lehkhabu zia hmasak ber, “Tlemte chauh pawh (Dan hriat himna a ni) 2004” a ka tihchhuah bung -8 na ami a ni a. Tunlai kan khawtlang nuna harsatna, ruihhlo hmansual leh a kaihhnawiha dan kengkawhtu, excise leh police te indaih lo leh thawh that tawk loh vanga khawtlang sualna nasa tak tih ziaawm tumin khawtlanga tlawmngai pawlte an tel ve a ngai a. Tuman phut lo mah se, a principle ah YMA hi an tel ve a ngai tlat. Dan in an tel ve hi a remti meuh si lo a, engtin nge kan tih ang? Chutiang chu kum 22 hmalam fe khan ka lo vei tawh a. **America ramah khuan Parking Force an tia, motor hung dahduahte vai tur oa sek pui pui an awm a. Tin, misuala puh man bail-a chhuak lailawk inreport tha duh lote man tur hian war veteran te rawih an ni a...**chutiang deuh chu sawrkarin ni rate a awmamn a pek emaw, chhungkaw tinin thlanmual fee kan pe ang deuha an lawman tur thawkhawma khawtang himna ti derthawngtute man kawnga police/ excise te puitu turd an hnuaia a din theih tih hi ka'n tlangau pui leh phawt ang e.

Dan hnuaia VDP din a tul: VDP din theihna dan hi “The Assam Village Defense Organization Act, 1966, Assam Gazette (Extraordinary) dated 2nd August 1966 in a siam a ni a. Din/Siam a nihna chhan ber chu ‘sual do kawnga police te tanpui a ni.’ VDP member ni tur chuan ‘Thutiam’ neih thlap a ngai a. Mahni duthu ngeia inpek tur a ni a, hmeichhia pawh a inpek theih a ni.

VDP te tih tur leh a hnathawh theih

1. Police te an hnathawh kawnga tanpui.
2. Mi sual nia rinhlelh te, thil sual nia puh te, sawrkar do zawnga chete leh tang tlanbo chungchang hriat ang ang police hnena hrih hriat,
3. Thil tisual tur ven;
4. Vantlang leh sawrkar bungraw venhim.
5. Khawtlang tana hna tha thawh (social work)-eg, kawng laih leh tihfai, tuikhur thar hiah leh a awmsa tihfai leh khawtlang tan tul apiang.

VDP ten mi an man theih dan

1. Thil tisual man tur zawn lai mek te,
2. Thil tihsualna lian tham (bail theih loh chi) warrant tel lo pawha police te'n an man theih chia inhnamnaiwh ni ngei rin te,

3. Chutiang chia mi an man reng reng chu eng vang maha tikhawtlai loin, policer hmuin hnai berah an thlen vat tur a ni.

VDP committee siam dan

VDP hi sawrkar dan anga siam, police hnuiaia dah thlap a ni a. A hnathawhna hmanruate pawh sawrkarin a ngaihtuahsak thei a, uniform te apwh dawn theihna dan a awm bawk a. Police hnuiaia dan ang thlapa awm an nih avangin, an hotu lu ber chu Deputy Inspector General of Police (DIG) a ni a. VDP a enkawlna kawngah chuan 'Chief Controller' tih a ni. District Village Defence Officer (DVDO) hna chu Superintendent of Police in a thawh kep ang. Tin, Thana Village Defence Office (TVDO) hna pawh Office in Charge (O.C) police station/.out post ten an thawk kawp ang. He mi hnuiaiah hian khawtin leh veng tinaa mi tlawmngai lo intelkhawmte chu 'Primary Committee' tih an ni.